



REPUBLIKA E SHQIPËRISË
MINISTRIA E FINANCAVE

NJESIA QENDRORE E HARMONIZIMIT PER
MENAXHIMIN FINANCIAR DHE KONTROLLIN

Nr. 1922 Prot.

Tiranë, më 24 /12/2013

UDHËZIM

Nr. 29 Datë 24 /12/2013

**“PËR PROCEDURAT MBYLLJES SË LLOGARIVE VJETORE
TË BUXHETIT PËR VITIN 2013”**

Në mbështetje të nenit 104, pika 4 e Kushtetutës së Republikës së Shqipërisë, nenit 38 të Ligjit Nr.9936, datë 26.6.2008 “Për Menaxhimin e Sistemit Buxhetor në Republikën e Shqipërisë”, dhe në vijim të Udhëzimit Nr.2, datë 6.02.2012, “Për procedurat standarde të zbatimit të buxhetit”, pika 260:

U D H Ë Z O J

I. Përmbajtja dhe publikimi i Pasqyrës Financiare Vjetore të Konsoliduar të Shpenzimeve dhe të Ardhurave të Qeverisjes së Përgjithshme

1. Për llogari të Buxhetit të Shtetit të vitit 2013, në pasqyrën vjetore të konsoliduar të shpenzimeve dhe të ardhurave të qeverisjes së përgjithshme përfshihen:
 - a. të gjitha të ardhurat e arkëtuara, të rregjistruara në sistemin informativ financiar të qeverisë (SIFQ) nga data 1 Janar 2013 deri në 31 Dhjetor 2013 (duke përfshirë datën 31 Dhjetor 2013);
 - b. të gjitha shpenzimet publike të ndodhura (të dokumentuara) nga data 1 Janar 2013 deri në 31 Dhjetor 2013, të njohura brenda kufirit të fondeve buxhetore disponibël dhe të rregjistruara në sistemin informativ financiar të qeverisë për llogari të vitit 2013, pavarësisht nga data e kryerjes së pagesave.
2. Për llogari të buxhetit të shtetit 2013, në pasqyrën vjetore të konsoliduar të shpenzimeve dhe të ardhurave të qeverisjes së përgjithshme, në seksionin e financimit të deficitit fiskal përfshihen të gjitha transaksionet e rregjistruara në SIFQ si më poshtë:
 - a. Të gjitha të ardhurat e arkëtuara nga shitja/privatizimi i aktiveve afatgjata publike gjatë vitit 2013;
 - b. Të gjitha arkëtimet e lidhura me huamarrjen e huaj deri në fund ditën e datës 31 Dhjetor 2013;

Bulevardi “Dëshmorët e Kombit”, Nr. 3; Tel: +355 4 222 8405; Fax: +355 4 222 8405

- c. Arketimet neto që lidhen me borxhin e brendshëm;
 - d. Të gjitha ripagesat e borxhit të jashtëm të kryera deri në fund të datës 31 Dhjetor 2013..
 - e. Ndryshimi i gjëndjes së mjeteve monetare në të gjitha llogaritë e celura nga Ministri i Financave në Bankën e Shqipërisë dhe Bankat e nivelit të dytë.
 - f. Gjendja e likuiditeteve në udhëtim që figurojnë si të tilla në fund të datës 31 Dhjetor 2013.
3. Struktura përgjegjëse për thesarin në Ministrinë e Financave përgatit të dhenat faktike përfundimtare të pasqyrës vjetore të konsoliduar të shpenzimeve dhe të ardhurave të qeverisjes së përgjithshme brenda datës 14 Shkurt.2014.
 4. Pasqyra vjetore e konsoliduar e shpenzimeve dhe të ardhurave të njësisë të qeverisjes së përgjithshme publikohet nga Ministri i Financave në muajin Shkurt 2014.
 5. Pasqyra vjetore e konsoliduar e shpenzimeve dhe të ardhurave të qeverisjes së përgjithshme e shoqëruar me raportin përfundimtar të gjëndjes faktike të shpenzimeve dhe të të ardhurave të Buxhetit të Shtetit 2013, i paraqitet Këshillit të Ministrave brenda muajit Maj të vitit 2014.

II. Marrdhëniet e Ministrisë së Financave me Bankat e nivelit të dytë.

6. Në zbatim të marrëveshjes me Ministrin e Financave, Bankat e nivelit të dytë kryejnë arketime të parasë publike për llogari të vitit 2013 deri në fund të ditës më datë 31.12.2013. Bankat e nivelit të dytë transferojnë në Bankën e Shqipërisë brenda orës 10.00 të datës 3 Janar 2014, të gjitha mjetet monetare të arkëtuara për buxhetin e shtetit deri në fund të datës 31 Dhjetor 2013. Llogaritë e degëve të thesarit në bankat e nivelit të dytë do të fillojnë me gjendje zero në vitin 2014.
7. Degët e Thesarit përfundojnë rakordimin me Bankat e Nivelit të Dytë dhe raportojnë elektronikisht në strukturën përgjegjëse për thesarin në Ministrinë e Financave brenda datës 08.01.2014.
8. Sistemimet të cilat nuk kanë ndikim në balancën e llogarisë unike të thesarit do të kryhen në SIFQ nga vetë Degët e Thesarit dhe Degët e Bankave të Nivelit të Dytë pa konfirmim nga struktura e thesarit në qendër.
9. Përmbledhëset për sistemimet të cilat kanë ndikim në balancën e llogarisë unike të thesarit do të paraqiten elektronikisht në strukturën përgjegjëse për thesarin pranë Ministrisë së Financave deri në datën 10.01.2014 dhe do të kryhen nëpërmjet SIFQ me urdhër të Ministrit të Financave. Informacioni elektronik do të shoqërohet me aktrakordimin e skanuar të mbajtur midis degës së thesarit dhe degës së bankës së nivelit të dytë.
10. Drejtoritë qendrore të Bankave të nivelit të dytë rakordojnë me strukturën përgjegjëse për thesarin në Ministrinë e Financave sipas formatit të dërguar nga kjo e fundit, brenda datës 14.01.2014.

III. Marrdhëniet e Ministrisë së Financave me Bankën e Shqipërisë

11. Ministria e Financave do të urdhërojë kryerjen e pagesave në Bankën e Shqipërisë deri në fund të sesionit të dytë të pagesave të datës 31 Dhjetor 2013.

12. Llogaria “Depozita e Qeverisë” dhe të gjitha llogarite speciale të Ministrisë të Financave në Bankën e Shqipërisë në datën 3 Janar 2014 do të mbartin tepricën e mbylljes së këtyre llogarive në datën 31 Dhjetor 2013.
13. Procesi zyrtar i rakordimit me Bankën e Shqipërisë për arkëtimet dhe pagesat e qeverisjes së përgjithshme të kryera për vitin 2013 fillon në datën 3 Janar 2014 dhe përfundon në datën 25 Janar 2014.
14. Struktura përgjegjëse për borxhin në ministrinë e financave përfundon rregjistrimin në SIFQ të transaksioneve të borxhit të brendshëm dhe borxhit të jashtëm brenda datës 15 Janar 2014.
15. Struktura përgjegjëse për thesarin në Ministrinë e Financave përgatit brenda datës 20.01.2014 raportin përfundimtar të hyrjeve dhe daljeve të llogarisë bankare “Depozite e Qeverisë” për të cilën merr konfirmimin zyrtar nga banka e Shqipërisë.

IV. Marrdhëniet e Ministrisë së Financave me Njësitë e qeverisjes së përgjithshme

16. Bazuar në fondet buxhetore në dispozicion, nëpunësit autorizues të njësive të qeverisjes së përgjithshme do të urdherojnë kryerjen e shpenzimeve në degët e thesarit deri në fund të ditë punës 31 dhjetor 2013. Dega e Thesarit kryen kontrollet sipas ligjit lidhur me vlefshmërinë e fondeve dhe ekzistencën e dokumentacionit që provon shpenzimin e ndodhur dhe të marrë në dorëzim brenda datës 31 dhjetor 2013 (fatura e furnitorit duhet të jetë gjeneruar brenda dhjetorit 2013).
17. Në rastet kur institucioni provon shpenzimin e ndodhur gjatë muajit dhjetor 2013 (fatura sipas pikës 16) brenda kufirit të fondeve disponibël, por procedurat e marrjes në dorëzim të punimeve të kryera zgjasin përtej datës 31 dhjetor 2013, atëherë dega e thesarit pranon njohjen dhe rregjistrimin në SIFQ të shpenzimeve për llogari të vitit 2013. Rregjistrimi i faturave duhet të përfundojë dhe të kryhet rakordimi përfundimtar me institucionin sipas afatit të caktuar me pikën 20 të këtij udhëzimi.
18. Degët e Thesarit përfundojnë rakordimin me Degët e Tatimeve dhe Doganave dhe raportojnë në strukturën përgjegjëse të thesarit brenda datës 15.01.2014.
19. Njësitë e Projekteve me Financime të Huaja, ISSH e ISKSH dorëzojnë raportin përfundimtar të të ardhurave e shpenzimeve në drejtorinë operacionale të thesarit brenda datës 15.01.2014.
20. Brenda datës 24 Janar 2014 Degët e Thesarit rakordojnë me njësitë e qeverisjes së përgjithshme për shpenzimet e kryera dhe të ardhurat e arkëtuara gjatë vitit 2013. Gjatë procesit degët e Thesarit duhet të rakordojnë me njësitë e qeverisjes së përgjithshme për statusin e ekzekutimit të çdo kontrate duke respektuar udhëzimin e operacioneve ditore në sistem SIFQ.

Në rastet e konstatimeve të gabimeve të rregjistrimeve në sistem të shkresave të ndryshimit të planit në nivel vjetor të Buxhetit të Shtetit të vitit 2013, degët i raportojnë si të tilla në strukturën përgjegjëse për buxhetin dhe strukturën përgjegjëse për thesarin, të cilat bëjnë sistemimet përkatëse. Për çdo mospërputhje të këtyre planeve në nivel programi, kapitulli, artikulli do të bëhen sistemimet me strukturën përgjegjëse për buxhetin, e cila përgatit akt-rakordimin paraprak elektronik me Ministrinë e Linjës/Institucionet Qëndrore për planin përfundimtar të vitit 2013 deri në datën 24.01.2014.
21. Degët e Thesarit për arkëtimet e vitit 2013 në favor të institucioneve të qeverisjes së përgjithshme (fonde të cilat në zbatim të legjisllacionit përdoren nga njësi e qeverisjes së përgjithshme dhe trashëgohen në vitin 2014), mbartin tepricën e fondeve të papërdorura të të ardhurave të vitit 2013 në strukturat buxhetore përkatëse pas përfundimit të rakordimit të degës së thesarit me njësinë respektive të qeverisjes së përgjithshme.

22. Ministria e Financave (struktura përgjegjëse për thesarin) publikon të dhënat faktike të detajuara në nivel njësie shpenzuese sipas strukture buxhetore në faqen e internetit brenda datës 28.01.2014.
23. Drejtorja e përgjithshme e buxhetit pranë Ministrisë së Financave rakordon me ministritë e linjës buxhetin e shtetit të vitit 2013 në nivel grupi, titulli, kapitulli e artikulli, përfshi edhe limitin e përdorimit të të ardhurave të institucioneve buxhetore. Procesi i rakordimit perfundon ne daten 30 Janar 2014. Për të gjitha ministritë dhe institucionet për të cilat gjate vitit 2013 ndryshuan fushat e mbulimit dhe përgjegjësitë në zbatim te VKM-ve përkatëse, gje që u reflektua edhe në ndryshimin e programeve buxhetore në Aktin Normativ Nr. 6 datë 4.10.2013, rakordimi i planit të buxhetit për vitin 2013 me Ministrinë e Financave do të bëhet me ministritë dhe institucionet aktuale si edhe me kundërfirmën e ministrisë apo institucionit që ka administruar më parë këto programe.
24. Në raportet e monitorimit për vitin 2013, që të gjitha ministritë dhe institucionet do të paraqesin ne Ministri të Financave, duhet te trajtojnë në një rubrikë të veçantë shpenzimet faktike të kryera nga të ardhurat jashtë limitit.
25. Procesi i rregjistrimit në SIFQ dhe rakordimit me kreditorët për financimet e huaja midis strukturave përgjegjëse të thesarit, borxhit dhe njërive të qeverisjes së përgjithshme duhet të përfundojë brenda datës 13 Shkurt 2014.

V. Rakordimi përfundimtar i llogarive të kreditorëve dhe debitorëve të njërive të qeverisjes së përgjithshme dhe evidentimi i pagesave të vonuara.

26. Te gjitha njësitë e qeverisjes së përgjithshme të paraqesin në degët e thesarit brenda datës 30 Janar 2014 të gjitha të drejtat e konstatuara dhe detyrimet ndaj të tretëve sic figurojnë në kontabilitetin e njësisë në fund të datës 31 Dhjetor 2013. Teprica kontabël e llogarive të pagueshme duhet të përfshijë të gjitha detyrimet financiare pavarësisht se janë rregjistruar apo jo në sistemin e thesarit SIFQ dhe të figurojë si e tillë ne Bilancin e njesise.
27. Detyrime të prapambetura për punë të kryera, për efekt të këtij udhëzimi konsiderohen detyrimet e përcaktuara nga një kontratë/marrëveshje/vendim gjykate i formës së prerë që mbeten të papaguara 30 ditë pas datës së specifikuar në kontratë apo me ligj, duke përfshirë edhe periudhën kontraktuale të shtyrjes së pagesës.
28. Informacioni i mësipërm do te paraqitet zyrtariaht dhe elektronikisht në degët e thesarit sipas formatit bashkëlidhur këtij udhëzimi, i ndarë në detyrime financiare te lindura gjatë vitit 2013 dhe detyrime financiare të prapambetura nga vitet e kaluara. Formatit elektronik do ti shpërndahet institucioneve nga deget e thesarit. Brenda datës 10 shkurt 2014 Degët e thesarit dërgojnë elektronikisht përmbledhësen e informacionit në Ministrinë e Financave tek struktura e ngritur për trajtimin e detyrimeve të prapambetura.
29. Detyrimet e papaguara lidhur me rimbursimet e tatimeve të vlerësuara nga sistemi tatimor, që mbeten pa u paguar 30 ditë pas datës së miratimit dërgohen brenda datës 14 Shkurt 2014 nga drejtorja e përgjithshme e tatimeve në Ministrinë e Financave në strukturën e ngritur për trajtimin e detyrimeve të prapambetura.
30. Shuma e detyrimeve dhe te drejtave të konstatuara e paraqitur në bilancin e njesisë dhe e raportuar në Ministrinë e Financave, duhet të jetë objekt verifikimi nga ana e institucioneve të zbatimit nga ana e nëpunësve zbatues të parimeve të raportimit financiar mbi plotësinë, transparencën dhe vërtetësinë e informacionit financiar.
31. Nëse pas datës 31 Janar 2014, nëpunësi autorizues i njësisë paraqet ne Thesar për likuidim qoftë edhe një detyrim financiar te prapambetur, të papërfshirë në raportimin sipas pikës 28 të këtij udhëzimi, Nepunësi i Parë Autorizues urdhëron menjëherë nisjen e inspektimit financiar për

transaksionin e kryer nga njësia dhe ndërmerr masa administrative për nëpunësin autorizues në baze të kuadrit ligjor në fuqi.

VI. Rakordimi dhe mbyllja e llogarive të tjera vjetore të qeverisjes së përgjithshme.

32. Rakordimi, mbyllja e llogarive të tjera vjetore të njësive dhe hartimi i pasqyrave financiare do të vazhdojë të kryhet në bazë të udhëzimit Nr. 14, datë 28/12/2006 dhe Nr. 26 datë 27/12/2007 "Për përgatitjen dhe raportimin e pasqyrave financiare vjetore për institucionet qendrore, vendore dhe njësitë që varen prej tyre si dhe të njësive të zbatimit të projekteve e marrëveshjeve me donatorë të huaj", ndryshuar me udhëzimin Nr.10, datë 27/02/2008.
33. Degët e thesarit gjenerojnë nga sistemi SIFQ brenda datës 1 Shkurt 2014 informacionin financiar disponibël/pasqyra financiare vjetore për njësitë e qeverisjes së përgjithshme. Ky informacion shërben si referencë për nëpunësit zbatues gjatë procesit të hartimit të pasqyrave financiare të institucioneve që përfaqësojnë.
34. Institucionet e qeverisjes së përgjithshme me vetëfinansim hartojnë pasqyrat financiare vjetore sipas formatit të miratuar nga Ministri i Financave (pika 32 e këtij udhëzimi) dhe i paraqesin jo me vonë se data 30 Mars 2014 në strukturën përgjegjëse për thesarin në Ministrinë e Financave.

VII. Masa administrative

35. Procesi i rakordimit përfundimtar të të ardhurave dhe shpenzimeve të qeverisjes së përgjithshme, si dhe mbyllja e llogarive vjetore të buxhetit të shtetit, monitorohet nga Nëpunësi i Parë Autorizues nëpërmjet strukturës përgjegjëse për thesarin.
36. Për mosrespektim të kërkesave të këtij udhëzimi nga ana e punonjësve të Ministrisë së Financave të përfshirë në proces, do të aplikohen masa administrative sipas shkallës së shkeljes së provuar.
37. Do të aplikohen gjoba nga 1-3 rroga mujore deri në largim nga puna mbi të gjithë specialistët e degëve të Thesarit që rregjistrojnë fatura me datë përpara dates se paraqitjes së tyre në Thesar, apo pa respektuar radhën kronologjike të paraqitjes së faturave nga institucionet në Thesar, pasi shkaktojnë artificialisht krijimin e detyrimeve të prapambetura në sistem.
38. Procedura e ndjekur dhe shpenzimet e rregjistruara në SIFQ nga punonjësi i degës së thesarit sipas pikës 17 të këtij udhëzimi, do të jetë objekt monitorimi nga nëpunësi i parë autorizues i Ministrisë së Financave. Për shkeljet e konstatuara merret masa administrative deri në largim nga puna të punonjësit të thesarit.
39. Për mosrespektim të kërkesave të këtij udhëzimi nga ana e nëpunësve autorizues dhe zbatues të njësive të qeverisjes së përgjithshme, Nëpunësi i Parë Autorizues zbaton penalitetet e përcaktuara me ligjin 9936, datë 26.06.2008 "Menaxhimi i Sistemit Buxhetor në Republikën e Shqipërisë".
40. Për mosrespektim të kërkesave të këtij udhëzimi nga Bankat e nivelit të dytë Ministri i Financave aplikon penalitetet e parashikuara në marrëveshjen me Bankat.
41. Për të gjitha kthimet e pagesave elektronike që janë për shkak (i) të instruksioneve të gabuara nga plotesimi i dokumentacionit të paraqitur në Thesar nga njesite shpenzuese të qeverisjes së përgjithshme, pagesa e komisionit bankar do të behet prej fondeve operative të ketyre të fundit me iniciative të Drejtorise së Përgjithshme të Thesarit në baze të procesverbalit të mbajtur midis njesise shpenzuese dhe degës së Thesarit. Në rast se kthimet e pagesave janë për shkak (ii) të rregjistrimit të gabuar nga specialisti i degës së Thesarit, atëherë pagesa e komisionit do të

mbahet nga paga e specialistit. Nese kthimi i pageses eshte per arsye te (iii) gabimeve nga banka e nivelit te dyte, atehere nuk do te paguhet komision, por me banken perkatese do te mbahet proces verbal per mosrespektimin e kushteve te marreshjes. Per te gjitha rastet e instruksioneve te gabuara, banka e nivelit te dyte ben kthimin menjehere te pageses se gabuar ne Llogarine Unike te Thesarit per tu proceduar me korrigjimin nga degjet e Thesarit ne bashkepunim me njesite shpenzuese.

42. Ky udhezim hyn ne fuqi menjehere

SHKËLQIM CANI

